



საგანმანათლებლო პროგრამების აკრედიტაციის  
საბჭოს გადაწყვეტილება  
ქ. თბილისი



MES 6 23 0000937197



27/07/2023

შპს მართვისა და კომუნიკაციის საერთაშორისო სასწავლო უნივერსიტეტ "ალტერბრიჯის"  
"მასობრივი კომუნიკაციის" საბაკალავრო საგანმანათლებლო პროგრამის აკრედიტაციის შესახებ

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული "უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულების“ 27<sup>2</sup> მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27<sup>5</sup> მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27<sup>5</sup> მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ, თუ „უმაღლესი განათლების შესახებ“ საქართველოს კანონის 66-ე მუხლის 3<sup>1</sup> პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის 31 პუნქტისა და აკრედიტაციის დებულების 27<sup>6</sup> მუხლის პირველი პუნქტის „ა“ ქვეპუნქტის შესაბამისად, საგანმანათლებლო პროგრამის პირველი და ყოველი მომდევნო აკრედიტაციის შემთხვევაში, საგანმანათლებლო პროგრამა აკრედიტაციის სტანდარტებთან შესაბამისობის შეფასებისას, ყველა სტანდარტთან მიმართებით საბჭოს მიერ შეფასდა, როგორც „შესაბამისობაშია სტანდარტის მოთხოვნებთან“.

1.3. „აკრედიტაციის დებულების“ 27<sup>5</sup>-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მაძიებელს მისცეს რეკომენდაციები.

1.4. „აკრედიტაციის დებულების“ 27<sup>6</sup>-ე მუხლის პირველი პუნქტის „ბ<sup>1</sup>“ ქვეპუნქტის თანახმად, ერთ სტანდარტთან მიმართებით მაინც შეფასდა, როგორც „მეტწილად შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „ნაწილობრივ შესაბამისობაშია სტანდარტის მოთხოვნებთან“ ან, არ არის შესაბამისობაში სტანდარტის მოთხოვნებთან“, საბჭო იღებს გადაწყვეტილებას აკრედიტაციის შესახებ და დაწესებულებას განუსაზღვრავს ვადას მიღებული რეკომენდაციების შესრულების თაობაზე ანგარიშის წარსადგენად, რაც აისახება საბჭოს სხდომის ოქმში.

**2. აღწერილობითი ნაწილი და დასაბუთება**

2.1. სსიპ - განათლების ხარისხის განვითარების ეროვნულ ცენტრში (შემდგომში - ცენტრი) 2023 წლის 25 იანვარს №75418 წერილით შპს მართვისა და კომუნიკაციის საერთაშორისო სასწავლო უნივერსიტეტი "ალტერბრიჯის" მიერ წარმოდგენილ იქნა სააკრედიტაციო განაცხადი "მასობრივი კომუნიკაციის" საბაკალავრო საგანმანათლებლო პროგრამის თაობაზე.

2.2. ცენტრის 2023 წლის 01 მარტის №245390 ბრძანების საფუძველზე, შპს მართვისა და კომუნიკაციის საერთაშორისო სასწავლო უნივერსიტეტი "ალტერბრიჯი" ცნობილ იქნა აკრედიტაციის მაძიებლად. ცენტრის 2023 წლის 05 მაისის №504679 ბრძანების საფუძველზე შეიქმნა ექსპერტთა ჯგუფი, რომელმაც დაწესებულებაში ვიზიტი "მასობრივი კომუნიკაციის" საბაკალავრო საგანმანათლებლო პროგრამის შეფასების მიზნით განახორციელა 2023 წლის 24 მაისს. ექსპერტთა ჯგუფის მიერ წარმოდგენილი დასკვნის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

| სტანდარტები  | შესაბამისობაშია მოთხოვნებთან | მეტწილად შესაბამისობაშია მოთხოვნებთან | ნაწილობრივ შესაბამისობაშია მოთხოვნებთან | არ არის შესაბამისობაში მოთხოვნებთან |
|--|------------------------------|---------------------------------------|---|-------------------------------------|
| 1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა | <b>x</b>                     |                                       |   |                                     |
| 2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა     |                              | <b>x</b>                              |   |                                     |
| 3. სტუდენტთა მიღწევები, მათთან ინდივიდუალური მუშაობა                                   | <b>x</b>                     |                                       |   |                                     |
| 4. სწავლების რესურსებით უზრუნველყოფა   | <b>x</b>                     |                                       |   |                                     |
|  |                              | <b>x</b>                              |   |                                     |

|   |  |  |  |  |
|---|--|--|--|--|
| 5. სწავლების ხარისხის განვითარების შესაძლებლობები |  |  |  |  |
|---|--|--|--|--|

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა 2023 წლის 14 ივლისს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე, სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ ნაწილობრივ გაიზიარა ექსპერტთა დასკვნაში დაფიქსირებული შეფასება, კერძოდ, 1.4 კომპონენტი ნაცვლად „შესაბამისობაშია სტანდარტის მოთხოვნებთან“ განსაზღვრა როგორც „მეტწილად შესაბამისობაშია სტანდარტის მოთხოვნებთან“, ასევე, 1.5 კომპონენტი ნაცვლად „შესაბამისობაშია სტანდარტის მოთხოვნებთან“ განსაზღვრა როგორც „ნაწილობრივ შესაბამისობაშია სტანდარტის მოთხოვნებთან“. აღნიშნულმა ცვლილებების საფუძველზე პირველი სტანდარტის შეფასება განისაზღვრა როგორც „მეტწილად შესაბამისობაშია სტანდარტის მოთხოვნებთან“. ასევე, აკრედიტაციის საბჭომ 4.4 კომპონენტი ნაცვლად „შესაბამისობაშია სტანდარტის მოთხოვნებთან“ განსაზღვრა როგორც „მეტწილად შესაბამისობაშია სტანდარტის მოთხოვნებთან“, თუმცა აღნიშნულ ცვლილებას არ გამოუწვევია მეოთხე სტანდარტის შეფასების ცვლილება.

### 3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტისა, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 27<sup>2</sup> მუხლის პირველი პუნქტის, 27<sup>5</sup> მუხლის პირველი პუნქტის „ა“ ქვეპუნქტისა და მე-5 პუნქტის, 27<sup>6</sup> მუხლის პირველი პუნქტის „ბ<sup>1</sup>“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ განათლების ხარისხის განვითარების ეროვნული ცენტრის დირექტორის 2011 წლის 01 ივნისის №223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ 14 ხმით 4-ის წინააღმდეგ

### გადაწყვეტა:

- დაკმაყოფილდეს შპს მართვისა და კომუნიკაციის საერთაშორისო სასწავლო უნივერსიტეტ "ალტერბრიჯის" მიერ წარმოდგენილი სააკრედიტაციო განაცხადი და დანართი №1-ით გათვალისწინებულ "მასობრივი კომუნიკაციის" საბაკალავრო საგანმანათლებლო პროგრამას მიენიჭოს აკრედიტაცია 2028 წლის 01 ივლისამდე 2 წლის თავზე მონიტორინგის განხორციელების პირობით.
- ცნობილ იქნას აკრედიტაციის ექსპერტთა ჯგუფის დასკვნა "მასობრივი კომუნიკაციის" საბაკალავრო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი №2).

3. ცნობილ იქნას საბჭოს 2023 წლის 27 ივლისის №937167 სხდომის ოქმის № 02 ნაწილი ამ გადაწყვეტილების განუყოფელ ნაწილად (დანართი №3).
4. დაწესებულებას შესასრულებლად განესაზღვრა შემდეგი რეკომენდაციები და რჩევები:

### რეკომენდაციები:

1. რეკომენდებულია „პროფესიული პრაქტიკის“ კურსის მეშვიდე ან მეექვსე სემესტრში გადატანა;
2. რეკომენდებულია, გადაიხედოს სავალდებულო სასწავლო კურსების ძირითადი ლიტერატურა და შეივსოს სასწავლო მეთოდური-მასალებით.
3. რეკომენდებულია, გადაიხედოს პრაქტიკის სილაბუსის სწავლის შედეგები (ცოდნა და გაცნობიერება) და შესაბამისობაში მოვიდეს სასწავლო კურსის მიზანთან.
4. რეკომენდებულია სავალდებულო სასწავლო კურსი "კინოდოკუმენტალისტიკა" მოვიდეს შესაბამისობაში პროგრამის მიზნებთან.
5. ინფორმაცია იმ სავალდებულო და არჩევით საგნებზე, რომლებიც აბიტურიენტმა უნდა ჩააბაროს ერთიან ეროვნულ გამოცდებზე, მოცემული უნდა იყოს პროგრამაში, კერძოდ „საგანმანათლებლო პროგრამაზე დაშვების წინაპირობების“ გრაფაში;
6. უსდ-მ ხელი მოაწერა თანამშრომლობის მემორანდუმებს მედია ორგანიზაციებთან (ონლაინ მედია საშუალებები, ტელევიზიები, რადიოები) და კერძო სტრუქტურებთან, რომელთა საჯარო ურთიერთობისა და სტრატეგიული კომუნიკაციების დეპარტამენტები უზრუნველყოფენ შესაძლებლობებს სტუდენტთა პრაქტიკული სწავლებისთვის. მემორანდუმების ერთი ნაწილი ყურადღებას უთმობს სტუდენტთა პრაქტიკის განხორციელებას, ხოლო მეორე ნაწილი (მაგალითად კავკასიის უნივერსიტეტთან გაფორმებული მემორანდუმი) მხოლოდ ინსტიტუციურ თანამშრომლობას ითვალისწინებს. ეს მემორანდუმები მათი მიზნების გათვალისწინებით, პროგრამის მენეჯერების მიერ დალაგდეს კატეგორიების მიხედვით.
7. საგნების სილაბუსების ავტორებისა და პროგრამის ხელმძღვანელების მიერ ერთობლივად გადაიხედოს სწავლებისა და სწავლის მეთოდები და შეათანხმონ ისინი ყველა კონკრეტული საგნის სწავლის მიზნებთან, აქტივობებთან და შეფასების კომპონენტებთან.
8. გადაიხედოს შეფასების მეთოდები შემდეგი სავალდებულო კურსების სილაბუსებში - „სატელევიზიო მედია“, „ეფექტური პრეზენტაციის ტექნიკა“ და „ციფრული მედია და კომუნიკაცია“.
9. მიზანშეწონილია უნივერსიტეტმა პროაქტიულად შეიძინოს დამატებითი აღჭურვილობა სასწავლო პროცესის შეუფერხებლად განხორციელების უზრუნველსაყოფად, განსაკუთრებით, პროგრამის მოსალოდნელი გაფართოების გათვალისწინებით
10. ექსპერტთა ჯგუფისათვის მოწოდებული თვითშეფასების ანგარიში არ იყო ზუსტი, რადგან მასში გამოტოვებული იყო საკვანძო ინფორმაცია. თვითშეფასების ანგარიში აუცილებელია იყოს ინფორმაციული, ანალიტიკური და არგუმენტირებული, წარმოდგენილი მტკიცებულებებისა და ინდიკატორების შესაბამისად. შიდა ხარისხის უზრუნველყოფის სამსახურმა პროგრამაში ჩართულ პერსონალთან ერთად უნდა იზრუნოს თვითშეფასების ანგარიშზე მუშაობისას გამოვლენილი ხარვეზების აღმოფხვრაზე;
11. რეკომენდებულია, უნივერსიტეტმა შეიმუშაოს მიღებული გადაწყვეტილებების შესრულების მონიტორინგისა და შეფასების მექანიზმები.

### რჩევები:

1. ასურველია, სასწავლო პერსონალი მუდმივად ეცნობოდეს მასობრივი კომუნიკაციის, ციფრული მედიისა და ჟურნალისტიკის თანამედროვე კვლევებს, რათა პროგრამამ შეინარჩუნოს რელევანტურობა და იყოს სასარგებლო დამსაქმებლებისთვის; და შეძლონ, სტუდენტებს დაეხმარონ ამ კვლევებზე წვდომაში.
2. სასურველია, რომ უნივერსიტეტის ვებ-გვერდი და დეპარტამენტის ჩანაწერები შეიცავს სრულ დეტალურ ინფორმაციას კლასგარეშე აქტივობების, ტრენინგების და შეხვედრების შესახებ (მაგ. ფოკუს ჯგუფები) და რომ ეს ინფორმაცია მიეწოდება სტუდენტებს, უნივერსიტეტის საზოგადოებას და პარტნიორებს;
3. ასურველია, გადაიხედოს პროგრამის სტრუქტურა და შეიქმენას უკეთესი გზები სპეციალიზაციის უნარების შესაძენად.
4. ასურველია, სწავლის შედეგების შეფასების მექანიზმის დოკუმენტთან ერთად, უნივერსიტეტმა საჯაროდ ხელმისაწვდომი გახადოს ინფორმაცია ამ მექანიზმის სამუშაო პრინციპის შესახებ, ასევე ფოკუს ჯგუფების განრიგისა და ინფორმაციის შეგროვების თაობაზე და შემდგომ ანგარიში გააკეთოს მიგნებებსა და შეთავაზებულ ცვლილებებზე.
5. ასურველია, გადაიხედოს შეფასების მეთოდები, რათა შესაძლებელი იყოს უფრო მეტად განმავითარებელი შეფასებები.
6. სასურველია, დაწესებულებამ გააფართოვოს შესაძლებლობები საერთაშორისო სტუდენტებისთვის და პერსონალის გაცვლითი პროგრამებისთვის;
7. ასურველია, უნივერსიტეტმა რეგულარულად განაახლოს ვებგვერდი, რათა მასში მოცემული იყოს ინფორმაცია საერთაშორისო გაცვლითი პროგრამების სტაჟირებების და პროგრამაში შეტანილი ცვლილებების შესახებ; კურსებში, რომლებშიც პრაქტიკა არის ინტეგრირებული, ეს ინფორმაცია სილაბუსებსა და სწავლის შედეგებში უფრო მკაფიოდ იყოს მითითებული.
8. ასურველია, სასწავლო გუნდმა გააგრძელოს თავდაუზოგავი შრომა, რათა უზრუნველყოს მასალებისა და რესურსების განახლება და კომუნიკაციების სექტორში არსებული თანამედროვე თემებისა და მიმდინარე მოვლენების ასახვა.
9. ასურველია, უნივერსიტეტის ადმინისტრაციამ ვებგვერდიდან წაშალოს ინფორმაცია გაუქმებულ საბაკალავრო პროგრამაზე სახელად -“საზოგადოებრივი ურთიერთობები“ რათა აბიტურიენტები და პოტენციური სტუდენტები შეცდომაში არ გაგრძელდეს მუშაობა სილაბუსების ინტერნაციონალიზაციაზე;
10. ასურველია, გადაიხედოს პროგრამაში არსებული სავალდებულო კურსების პროპორცია, ისე რომ შეიქმნას მეტი არჩევითი საგანი.
11. ასურველია, გაგრძელდეს მუშაობა სილაბუსების ინტერნაციონალიზაციაზე; გადაიხედოს რამდენიმე მოდული, რომლებიც მასობრივი კომუნიკაციის პროგრამასთან არც ისე რელევანტური ჩანს.
12. ასურველია, პროგრამის ხელმძღვანელებმა აწარმოონ აღრიცხვა/ანგარიშები უნივერსიტეტში განხორციელებული იმ აქტივობების (პროექტების) შესახებ, რომლებიც მიზნად ისახავს სტუდენტების შემოქმედებითი/საშემსრულებლო და ტრანსფერული უნარების განვითარებას. მსგავსი აღრიცხვა/ანგარიში შემდგომში გამოდგება როგორც მტკიცებულება პროგრამის განვითარების ანგარიშებსა თუ ხელახალი აკრედიტაციის დროს;
13. იზანშეწონილია, უნივერსიტეტმა გამოიკვლიოს არსებული ადამიანური რესურსების გამოყენების შესაძლებლობა კონკრეტული საგნების უფრო ეფექტიანად სწავლებისათვის.
14. ასურველია, განხილულ იქნეს ზოგიერთ მოდულის გუნდური სწავლება, რათა გაუმჯობესდეს სწავლების მდგრადობა.
15. მიზანშეწონილია პროგრამის ინტეგრირების განხილვა გრძელვადიან საერთაშორისო პროექტებში, როგორცაა Erasmus+, რადგან ეს შესთავაზებს აკადემიურ პერსონალს და სტუდენტებს საერთაშორისო საგანმანათლებლო საზოგადოებასთან აქტიური ჩართულობის მნიშვნელოვან შესაძლებლობებს. ასეთ პროექტებში მონაწილეობას

შეუძლია დიდი წვლილი შეიტანოს დარგის განვითარებაში, ხელი შეუწყოს მის შესაბამისობას გლობალურ სტანდარტებთან და საუკეთესო პრაქტიკასთან.

16. პროგრამის გრძელვადიანი ფინანსური მდგრადობის უზრუნველსაყოფად, მიზანშეწონილია ბიუჯეტში შემოსავლის დამატებითი წყაროების გათვალისწინება.


17. მიზანშეწონილია შრომის ბაზრის კვლევაში ყურადღება გამახვილდეს უფრო სიღრმისეულ ანალიზზე, რომელიც უშუალოდ იქნება დაკავშირებული სფეროსთან.

5. საბჭოს აღნიშნული გადაწყვეტილება ძალაში შევიდეს 2023 წლის 14 ივლისს.

6. გაცემული რეკომენდაციების შესრულების გადამოწმების მიზნით მონიტორინგის ვიზიტი განხორციელდეს 2025 წლის 14 ივლისს.

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24<sup>1</sup> მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ.თბილისი, მ. ალექსიძის მე-2 შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი N64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე ([www.eqe.ge](http://www.eqe.ge)) გამოქვეყნების დღიდან, ერთი თვის ვადაში.

უმაღლესი საგანმანათლებლო პროგრამების  
აკრედიტაციის საბჭო  
საბჭოს მდივანი  
რატვიანი რატი



საგანმანათლებლო პროგრამების აკრედიტაციის  
საბჭო  
საბჭოს თავმჯდომარე  
ბუჩაშვილი გოდერძი



| №  | ინფორმაცია საგანმანათლებლო პროგრამის შესახებ  |   |
|----|---|---|
| 1  | საგანმანათლებლო პროგრამის დასახელება  | მასობრივი კომუნიკაცია                                       |
| 2  | ერთობლივი უმაღლესი საგანმანათლებლო პროგრამა   | -   |
| 3  | სტატუსი   | პირობით აკრედიტებული  |
| 4  | სტატუსის გათვალისწინებით, საბჭო(ებ)ს გადაწყვეტილების თარიღი და ნომერი   | 2022 წლის 29 ივლისის N858757 გადაწყვეტილება                 |
| 5  | ხელახალი აკრედიტაციის შემთხვევაში საგანმანათლებლო პროგრამის წინა დასახელება   | -   |
| 6  | უმაღლესი განათლების საფეხური  | ბაკალავრიატი  |
| 7  | დაშვების წინაპირობები   | -   |
| 8  | კვალიფიკაციის დონე  | მეექვსე   |
| 9  | კვალიფიკაციის დასახელება  | მასობრივი კომუნიკაციის ბაკალავრი                            |
| 10 | ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით  | -   |
| 11 | დეტალური სფეროს დასახელება და კოდი (ISCED – F – 2013)   | 0321 - ჟურნალისტიკა და რეპორტიორობა                         |
| 12 | სწავლების ენა   | ქართული   |
| 13 | ECTS კრედიტების ჯამური რაოდენობა  | 240   |
| 14 | განხორციელების ადგილი   | საქართველო, ქ. თბილისი 0162, ბაგები, წყნეთის გზატკეცილი N67 |
| 15 | მსჯავრდებულ აბიტურიენტთა საგანმანათლებლო პროგრამაზე სწავლა-სწავლების უფლებამოსილება   | -   |
| 16 | ამ გადაწყვეტილების ძალაში შესვლის თარიღი  | 14/07/2023  |
| 17 | აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა | 14/07/2025  |
| 18 | აკრედიტაციის ვადის გასვლის თარიღი   | 01/07/2028  |